

26 AUGUST
RUGACIUNEA 2
SF.CUVIOS
CIPRIAN DE LA STOROJEN

Молитва

О преподобне отче Киприане, чудотворче преславный и молитвенниче за род христианский! Се мы, грехми и треволнеными житейского моря обуреваемы, от глубины сердечныя взываем ти: не остави нас, немощных, печальных и унылых призрением милостивнаго твоего заступления! Во дни земнаго жития твоего явился еси болящим безмездным целителем, алчущим милостивым кормителем, заблуждшим наставником, скорбящим и обидимым утешителем милосердным и всем притекающим к тебе скорым помощником и чадолюбивым отцем. И ныне вемы, яко дана тебе от Господа и Пречистой Богородицы благодать молитися за ны.

О верный слуго Христов, сторицею возрадивый данный тебе талант, уврачуй страсти душ и телес наших, укрепи в добродетели и настави на

путь покаяния: умягчи наша злая и хладная сердца, да паче всего возлюбим Христа, в Немже и ближняго своего. Умоли Господа сил низпослати милость Свою многострадальному Отечеству нашему и святей обители сей, в ней же подвижался еси, да тихое и безмолвное житие поживем во всяком благочестии и чистоте: и тако достигнем в немятежное пристанище Небеснаго Царствия, идеже ты в незаходимей сияеши славе, воспевая со всеми святыми хвалебную песнь Отцу и Сыну и Святому Духу, ныне и присно и во веки веков. Аминь.